



nr. 6 2002  
årg.



# Klubbavis for Volda Rideklubb

## Styremøte 10/01-02

### ÅRSMØTE:

På Bratteberg 7. Februar

### FORSLAG TIL STYRET:

- Janita Sporstøl - kasserar
- Silje Skuset - styremedlem

### SPØR:

Rigmor Hoggen  
Asbjørn Kalland  
Astri Vikestrand  
Solveig Hjelmeset  
Anne Mari Skuset

### SAKLISTE TIL ÅRSMØTE:

- godkjenning av årsmelding/regneskap
- nytt styre
- val av ulike komitear (ridebane/dugnad/kiosk, IT/PR, aktivitetar)
- eventuelt/ matpause (brus og kjeks)



## **Styremøte referat 9.12.01**

Med Janita Sporstøl

Oppmøtte: Karen, Liv Jorunn, Lena Mari (vara for Reidun) og Janita

### **1. Plass til bana**

Diskusjon om bana skal vere i Vassbotn eller hos fam. Heltne. Vedtatt for lenge sia at vi skal ha bana i Vassbotnen. Janita skal ringe Bjørn Egil og høyre om tilbodet fortsatt står til lags. (Det jorde det :)

### **2. Laurdag 15.12.01 leiling av hest ved Paviljongen**

Dei skal vere

- Barneriding
- Sål av lodd
- Sal av billettar

Rideklubben får halvparten av inntekta, arbeidarane deler resten.

Skal koste 20 kr runda. Varer fra 12.00 – 14.00

Folk som kan gå med hest:

- Liv Jorunn – Prins
- Lena Mari ?
- Kristina – Odin ?
- Edle – Finnmøy ?

Vi ringer rundt og spør dei... ☺

### **3. Lucia Torsdag 13.12.01**

Møtes klokka 18.00 på parkeringsplassen på Strøm (DH)

Alle må ha på seg:

- Kvitt laken/kvite kle
- Glitter
- Lys/lommelykt?

## Lucia feiring!

Torsdag 13. Desember, Lucia dagen, laga rideklubben sitt eige "Lucia-tog" med 7 ekvipager. Vi Reid ei runde rundt sjukehuset, bort til gamleheimen og ned gjennom Volda sentrum. Dei fleste hadde kledd seg ut, og var med på å synge. På sjukehuset var det få tilskodarar, det var litt fleire på gamleheimen. Kanskje burde vi sagt betre frå til dei institusjonane vi ville ri forbi på førehand, slik at fleire fekk sjå på. Få, eller ingen av hestane hadde vore i sentrum før, men det tok dei med stor ro.

Dei som var med:

Janita/ Rola  
Lena Mari/ Virm  
Liv Jorunn/ Stjerne Prinsen  
Stine/ Grimsborken

Kristin/ Odin  
~~Hilde~~ / Pinselilje  
Silje/ Loverboy  
+ Ingvild

## Barneriding og loddsal i sentrum 15/12-01

Sidan vi hadde så mange gevinstar igjen etter forrige gong vi hadde tombola(på stevne), fann vi ut at vi kunne bruke dei opp og tjene litt pengar til klubben. Vi rulla lodd og avtalte med sentrumsforeninga. Vi fekk lov til å selge lodd og ha barneriding på marka nedom rådhuset (v/musikkpaviljongen).

Til å begynne med var der nesten ingen folk, så vi tok nokre turar ned i gatene med hestane slik at folk skulle legge merke til oss. Etter ei stund kom det plutselig mykje folk, det var nok en del småungar som fekk sin fyrste ridetur då. Det kom til og med nokre guitar som ville prøve å ri. Trur alle hadde det kjekt, det var vertfall en del ungar som ikkje hadde lyst å forlate hestane til fordel for varm bil og middag.

Men like plutselig som alle folka kom, var dei vekk, og etter at posten stengde var der lite folk i området. Neste gong bør vi kanskje vere nærmare butikkane, kanskje i gågata? Fordelen med å vere der vi var er at det er mindre trafikk, og det gjer ikkje så mykje om hestane legg frå seg litt mørkk, men ein tjener kanskje litt mindre.

Rideklubben fekk halvparten av pengane vi tjente, resten vart fordelt på dei fem personane som stilte opp. Reidun og Ingvild selde lodd, og Liv Jorunn, Kristina og Edle stilte med hestar til ridinga. Karen og Janita hjelpte til å organisere det heile, men dei var ikkje tilstades på sjølve dagen.

## Året 2001 for Volda Rideklubb

Dette har eigentlig vor eit ganske "slapt" år når det gjeld å arrangere stemne og kurs, noko som vi beklagar mykje! Vi har hatt eit stemne her i Volda på ridebana vår. Det var eit sprangstemne 3.6.01. Vi skulle so klart hatt mange fleire stemner, og alt var planlagt, men så kom den dårlige nyheita at ridebana måtte vekk...

Vi har hatt ein del dugnadar med å male hinderbommår og ved å halde ridebana ved like. Var også ein stordugnad å rive bana når den tid kom. Takk til alle som har stilt opp på dugnadar! ☺

Vi har hatt ein del medlemsmøter med ganske godt oppmøte. Forsett slik! Styret har hatt faste møter ein gong i månaden, dei har vore flinke til å møte opp! Takk til alle som var med i styret 2001!

Vi har hatt to distanseritt hausten 2001, det var ein suksess, siste gongen vart det med folk frå Ørsta også, kjekt!! ☺ Vi vil ta igjen den suksessen i 2002, det blir arti.

Pizzakveld vart det arrangert seint på hausten med fam. Sporstøl. Der var det mange oppmøtte og vi hadde ein koseleg kveld. Dette skal vi gjere fleire gongar!

Det er to aktive konkurranseryttarar som har representert Volda Rideklubb, Karen Molnes og Liv Jorunn Nyhagen! Dei har gjort det bra på stemna, og gitt VRK eit godt rykte. Dei har til og med vore med på fjordhest NM og fått GODE resultat! Takk til dei! ☺ Dei har gitt god inspirasjon til oss andre i klubben, kanskje vi snart får fleire konkurranseryttarar!!

I året 2002 må vi jobbe med å få laga ny bane. Material, sand og plass tilbod har vi. Vi må berre bestemme oss for kvar bana skal vere og starte! Vi vil prøve å samarbeide med Vestri om ridebana.

## Slik snakkar hestar med kvarandre

Ute i naturen vil hestane søke saman og leve i flokkar, for dei er utprega flokksdyr soin ikkje vil unnvære kameratane sine. Derfor bør ein helst ikkje la ein hest stå aleine. Er det ikkje mogleg å skaffe den en "hestevenn", så kan den godt ha ein sau eller ei kanin som selskap.

Det er streng rangordning i hesteflokkene. På toppen er det leiaren, oftaast ei gammal hoppe, og slik fortsetter det i tur og orden heilt ned til flokkens syndebukk. Rangordninga merkar ein best når det er foringstid. Viss ein hest med lav rang får mat før ein med høgare rang, blir det bråk! Slik er det også når ein rir på tur, dersom ein hest med lav rang går framfor ein med høg rang er det fort gjort at dei begynner å krangle. Når det kjem ein ny hest til stallen/beitet, må den "gjere opp" med dei andre hestane for å finne sin plass på rangstigen. Det brukar å vere ein heil del krangling i innhegninga før den nye hesten vert godteken som eit fullverdig "familiemedlem". Det er heilt naturleg – hestane har alltid gjort det slik.

Øyrene er nok hestens mest uttrykksfulle kroppsdel. Dei kan fortelje nesten alt om korleis hesten har det. Det er bra for menneska også, for øyrene sitt språk er lett å forstå:

- Flate bakovervendte øyrer betyr at hesten er sint og at det er best å passe seg.
- Viss øyrene er spissa og retta framover så kan ein vere ganske sikker på at hesten har det bra. Den er oppmerksam og lyttande.
- Er øyrene vinkla halvvegs bakover betyr det at hesten lyttar etter noko, og føler seg litt uroleg. Viss det er berre det eine øyet som er vinkla bakover så lyttar den kanskje til stemma di når du rir?
- Når øyerne heng rett ut til sidene fortel hesten at den er likegyldig, at den har vondt eller at den ikkje føler seg heilt bra. Det er viktig å vere oppmerksam på det øvrige kroppspråket for å finne ut kva som er gale.

Augene er "sjela sitt speil". Ein kan finne ut mykje ved å sjå på augene til ein hest. På ein sint eller redd hest ser ein ofte det kvite i augene, medan ein roleg og fornøgd hest har eit friskt og vakent blikk. Ein sjuk hest har ofte halvlukka auge.

Viss du ser på ein hest som er ute saman med andre hestar, vil du raskt oppdage at hesten brukar heile kroppen når den "snakkar".

- "Eg er heilt avslappa og føler for å ta det roleg ei stund" – senka hovud, øyrene litt bakover, hengande underleppa, halvlukka øye og kviler eine bakbeinet.
- "Sjå på meg! Ser du kor vakker eg er?" – traver med beina høgt løfta, høgreist hovud og løfta hale.
- "Våg ikkje å kome nærmare! Då biter eg hovudet av deg!" – blottlagte tenner, flate bakoverstrøkne øyrer, eine bakbeinet løfta og viftande hale.
- "Hei kamerat, du er den beste!" – to hestar som står og klør kvarandre på manken.

Hesten lagar ganske mange ulike lydar og dei varierer med alder og kjønn. Ein føl har sitt eige språk, hingstane har sitt og hoppene sitt. Vallakane har ein "dialekt" som er ein slags krysning mellom hingstane og hoppene sitt språk. Mora kållar på følet sitt ved å knegge lavt og kurrande. Hingstane skriger til kvarandre når dei utfordrar kvarandre til kamp. Ein hest kan knegge høgt og skarpt når den ropar på kameratane sine, og buldre litt når den helsar på ein hest som den ikkje kjem heilt overeins med. Du har sikkert hørt den morosame prustinga til ein hest som ser noko som skremmer den eller overraskar den. Den bles ut så mykje luft at det høyrest ut som om lungene tömmast.

## En venn til hesten din ☺

Sidan det er vi menneske som har tatt frå hesten friheita, er det vår plikt å sørge for at den har selskap. Hesten trivast aller best med ein "hestevenn" eller fleire. Men viss det av ein eller annan grunn ikkje er mogleg, så finst det andre løysingar.

Før du skaffar en venn til hesten din, tenk på at:

- Klart en katt høyrer heime i ein stall (om ikkje anna helde den rottene unna). Men sidan kattane ofte er ute på jakt, er det sjeldan dei vert fullgodt selskap for hesten.
- Hunder kan ofte vere for rampete, bråkete og leikete for at hestar kan like dei. Men nokon gongar kan det fungere bra. Då kan ein sjå "hest- og hundkompisar" som leikar "følg-etter-meg" i hagen.
- Rotter finst i næsten alle stallar. Små, søte(?) mus og store, mindre søte rotter. Vil du ha få av disse som mogleg, skal du ikkje ta med deg tamrotta di i stallen som selskap til hesten din. Då har du nemleg snart lokka fram en heil haug beundrarar som står utanfor buret og henger.
- Enkelte brukar å ha kaniner gåande lause i boksa til hesten. Mange kan fortelje om korleis kaniner óg hestar utviklar eit fint vennskap. Dessverre kan hesten vere ueheldig å kome til å trakke på eller klemme i hjel vennen sin.
- Ei ku kan vere fint selskap i stallen eller på beite. Men viss det går gale, kan det hende dei ikkje kan fordra kvarandre. Og då endar det med at hesten jagar kua, eller omvendt.
- Sauer er greitt selskap utandørs, men på samme måte som grisar og høner bør dei ikkje stå i samme stall som hesten både av hygieniske og trivselsmessige årsaker.
- Esler er fint selskap. Men pass på at det har gått gjennom ein skikkeleg markkur. Esler har nemleg ein viss evne til å spreie ekle innvollsparasittar.

Du må ikkje gløyme at ulike dyr trivast i ulike miljø og temperaturar. Og ulike dyr kan til og med øydelegge miljøet for kvarandre. Gjer hesten ei teneste og finn ut korleis miljøet i stallen vil bli prega av det tiltenkte selskapet.

Når dei nye (forhåpentlegvis) vennane skal bli kjent med kvarandre, må dette skje under oppsikt. Det er ikkje alltid dei vert bestevenner med ein gong.

## ABC – spørsmål

- A: hesteslektar sin konge vert denne fullblodhesten ofte kalla?  
B: små "puter" på baksida av hoven?  
C: populær rase frå Irland?  
D: en hoppe som ventar føl vert kalla?  
E: hest og rytter til saman?  
F: sida på hesten, ved magen vert kalla?  
G: reim sóm held salen på plass?  
H: den vanlegaste typen bittlauost hodelag?  
I: hesterase med 5 gangarter?  
J: profesjonell veddeløpsrytter?  
K: fin strigle?  
L: tannlaust parti i hestemunnen?  
M: der vert hesten si høgde målt?
- N: skinntype, ofte brukt på heilskinnsridebukser?  
O: betegnelse for arabiisk fullblod?  
P: liten, utendørs innhegning?  
R: har ryttaren ofte på beina?  
S: fellesnamn på reimar brukta til kjøring?  
T: hestens nest raskaste gangart?  
U: parti mellom lår og hase?  
V: kastrert hingst?  
X: betegnelse for engelsk fullblod?  
Y: hunderase frå england?  
Z: i slekt med hesten?  
Æ: en som nedstammer frå ein annan?  
Ø: nedsættande namn på hest?  
Å: svart rand längs ryggen på en hest?



# JUNIORSIDA



## Svar på ABC-spørsmål

Araber  
Baller  
Connemara  
Drektig  
Ekvipage  
Flanke  
Gjord  
Hackamore  
Islandshest  
Jockey  
Kardask  
Lader  
Manken

Nubuck  
Ox  
Paddock  
Ridestøvlar  
Sæletoy  
Trav  
Underlår  
Vallak  
Xx  
Yorkshire terrier  
Zebra  
Ætling  
Øk  
Ål

Her er nokre hestespørsmål:  
(henta ifrå Barnas Store Spørrebok)

Kva heiter dei tre norske hesterasane?  
*Fjording, Dølahest og Nordlandshest*

Kva heiter Noregs største hesteshow?  
*Oslo Horse Show*

Kva for ei hesterase forbindast med Den spanske rideskolen i Wien?  
*Lipizzaner*

Kva heiter den lettaste klassa på eit dressurstevne?

*Lett C*

Kvar finn vi pipa på ein hest?  
*Under kneet på frambeina, og under haseleddet på bakbeina*

Kor ofte må ein hest skoast?  
*Kvar 6-8 veka*

Kva er ein fordelsvending?  
Dressurøvelse der hesten trumper med frambeina mens den dreiar bakparten rundt

Hvis du har idear til ting vi kan ha på Juniorsida, (det har vore litt einsformig i det siste) ta kontakt med Ingvild Hansen, Storhagen 23, 6100 Volda.

\*Helzing Ingvild\*